





小崎山廟圖墓圖合記

永寧鄉小崎山係副使西愚公所置明季賊氛公營此署禦  
難郡邑志載築砦小崎保聚鄉族是也周圍數里萬木齊  
森內有祖廟二重自公始建乾隆丙子孝廉顯茲公仝三  
房後裔重修規制渾堅廟前左首山嘴康熙時文學尊其  
公暨媳王孺人文學孚邦公暨配易孺人俱葬焉立有墓  
碑砦內有香火田貳石二斗五升民米枉名靖小崎同治  
初廟被兵燹毀敗八年舉人玉津修造橫星光緒七年庠  
生紹甲啟後等重修正殿二重并建圍屋廚房詳載縣志